



ՀԱՍՏԱՏՈՒՄ ԵՄ՝  
Շրջակա միջավայրի նախարար

Համբարձում Մաթևոսյան

«11» 08 2025թ.

## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ N 204 - 25

Նախաձեռնող՝

«ԱՏՐԻՈՒՄ ՊՐՈ ՍՏՈՒԴԻՈ» ՍՊԸ

ք.Երևան, Կոմիտաս պ., 36Գ շ., 67 բն.

Հիմնադրության  
փաստաթուղթ՝

Ապարան համայնքի Եղիպատրուշ բնակավայրի  
գլխավոր հատակագծի փոփոխության  
ռազմավարական էկոլոգիական գնահատման  
հաշվետվություն

Արագածուրի մարզ

Առդիր՝ 5 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ  
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ**

ԲՓ № 204 - 25

«11» օգոստոսի 2025թ.

**Եղիպատրուշ բնակավայրի գլխավոր հատակագծի փոփոխության շրջակա  
միջավայրի վրա ազդեցության ռազմավարական էկոլոգիական  
գնահատման հաշվետվություն**

|                   |                                                                      |
|-------------------|----------------------------------------------------------------------|
| Նախաձեռնող՝       | «ԱՏՐԻՈՒՄ ՊՐՈ ՍՏՈՒԴԻՈ» ՍՊԸ                                            |
| Փաստաթղթի տեսակը՝ | Նախագիծ և ռազմավարական էկոլոգիական<br>գնահատման հաշվետվություն (ՌԷԳ) |
| Գտնվելու վայրը՝   | Արագածոտնի մարզ, Ապարան համայնք<br>Եղիպատրուշ բնակավայր              |

**Ներածական մաս.** Արագածոտնի մարզի Ապարան համայնքի Եղիպատրուշ բնակավայրի գլխավոր հատակագծում փոփոխություններ կատարելու նախագծի հայեցակարգը և սոցիալ-տնտեսական հիմնավորումները նպատակաուղղված են բնակավայրի ներքին պոտենցիալ հնարավորությունների և նախադրյալների բացահայտմանը, դրանց լիարժեք, համակողմանի և արդյունավետ օգտագործմանը՝ բնապահպանական խնդիրների համալիր իրականացմամբ: Փաստաթղթում արտացոլված են բնական պաշարների (օդ, ջուր, հող, բուսականություն, հանքեր) ինտենսիվ և արդյունավետ օգտագործման վերաբերյալ նախագծային, գործնական արդյունքները՝ տնտեսության ճիշտ կազմակերպման, կոմունիկացիաների, անթափոն տեխնոլոգիաների և մաքրման սարքավորումների կիրառմամբ, կենցաղային և արդյունաբերական թափոնների օգտագործման և վնասագործման ճանապարհով:

Եղիպատրուշ բնակավայրի գլխավոր հատակագծի փոփոխությունը մշակվել է «ԱՏՐԻՈՒՄ ՊՐՈ ՍՏՈՒԴԻՈ» ՍՊԸ-ի կողմից՝ Ապարանի համայնքապետարանի պատվերով: Հիմնական նպատակն է կատարել հողատեսքերի նպատակային նշանակությունների փոփոխություններ՝ բացառապես «Մայլեռ» ներդրումային ծրագրի շրջանակներում, որը հավանության է արժանացել Կառավարության կողմից՝ 2021 թվականի հուլիսի 29-ի 1246-Ա որոշմամբ (այսուհետ Որոշում): Համաձայն ՌԷԳ հաշվետվությամբ ներկայացված տվյալների փոփոխվող հողատարածքները սեփականության իրավունքով պատկանում են «Մայլեռ Մաունթեյն Ռեզորթ» ՓԲԸ-ին, որը Արագածոտնի մարզի Ապարան համայնքի Եղիպատրուշ բնակավայրի տարածքում 2080 հեկտար ընդհանուր մակերեսով (ավտոմոբիլային օգտագործման մակերեսը՝ մոտ 580 հա) հողամասում իրականացնելու է նույնիսկ հանգստավայրի





կառուցում՝ անհրաժեշտ բոլոր ենթակառուցվածքներով:

«Մայլեո» ներդրումային ծրագիրը միտված է խթանել ՀՀ-ում զբոսաշրջության զարգացմանը, որն իր դրական ազդեցությունն է ունենալու տնտեսության, բնակչության զբաղվածության և մի շարք այլ ճյուղերի զարգացման վրա:

Եղիպատրուշ բնակավայրի կայուն զարգացման առկա նախադրյալների, սոցիալ-տնտեսական և ժողովրդագրական իրավիճակի, շրջակա միջավայրի և պատմամշակութային արժեքների գործոններով պայմանավորված՝ նախատեսվում է իրականացնել հողատեսքերի փոփոխություններ, որոնք կնպաստեն բնակավայրի կայուն զարգացմանը, առկա խնդիրների վերհանմանն ու լուծմանը: Հիմնադրույթային փաստաթղթի դրույթների գործողության ազդեցությունները փորձաքննվել են՝ հաշվի առնելով շրջակա միջավայրի՝ ներառյալ մարդու առողջության վրա հնարավոր ազդեցությունները:

**Նկարագրական մաս.** Եղիպատրուշ բնակավայրը գտնվում է ծովի մակարդակից 2000 մետր բարձրության վրա, Ապարանի ջրամբարի հարավ-արևելյան մասում՝ Երևան-Ապարան խճուղուց աջ 10 կմ: Վարչական տարածքը՝ 3804.62 հա է, տարածաշրջանի սեյսմիկ ուժգնությունը կազմում է 9 բալ:

Եղիպատրուշ բնակավայրի բնակչությունը կազմում է 735 մարդ՝ ըստ ՀՀ վիճակագրական կոմիտեի 01.01.2019 թվականի տվյալների: Տները քարաշեն են: Բնակարանային ֆոնդի ընդհանուր մակերեսը կազմում է 28.08 հազ. մ<sup>2</sup> բաղկացած 180 անհատական բնակելի տներից: Ունի միջնակարգ դպրոց, մշակույթի տուն /չի շահագործվում/ և գրադարան: Գյուղատնտեսական հողահանդակների հիմնական մասն օգտագործվում է որպես վարելահողեր, խոտհարքեր, արոտավայրեր: Զբաղվում են դաշտավարությամբ, մշակում են բանջարաբուստանային, հացահատիկային, կերային կուլտուրաներ: Պահուստային հողերը զբաղեցնում են համայնքի մակերեսի մոտ 70%, որոնց մեջ մեծ է վարելահողերի և արոտավայրերի բաժինը: Զբաղվում են անասնապահությամբ, բուծում են խոշոր և մանր եղջերավոր անասուններ: Բնակավայրը գազաֆիկացված չէ, ունի գերեզմանատուն, որը զբաղեցնում է 0.7 հա տարածք:

Հարկ է նշել, որ սույն նախագծի շրջանակում չի դիտարկվում 2023 թվականին սահմանված կարգով հաստատված Արագածոտն-1 միկրոռեգիոնալ մակարդակի համակցված տարածական պլանավորման փաստաթղթի Ապարան համայնքի Եղիպատրուշ բնակավայրի նախանշումների փոփոխություն: Տվյալ փաստաթուղթը մշակվում է ի լրումն վերոնշյալ միկրոռեգիոնալ փաստաթղթի կազմում մշակված Եղիպատրուշ բնակավայրի վարչական տարածքում ներառված հողերի նպատակային նշանակության փոփոխությունների համար: Նախագծային առաջադրանքում ներառված են բացառապես «Մայլեո Մաունթեյն Ռեզորթ» ՓԲԸ-ի կողմից ներկայացված ներդրումային ծրագրի համար Կառավարության Որոշմամբ նախանշված և գլխավոր հատակագծի մշակման շրջանակում որպես գյուղատնտեսական նպատակային նշանակության հող պահպանված տարածքները: Այդ հողատեսքերի փոփոխությունը պայմանավորված է «Մայլեո» լեռնադահուկային առողջավայրի իրականացման ներդրումային ծրագրի շրջանակում անհրաժեշտ ենթակառուցվածքի կառուցման համար հողատեսքերի համապատասխանեցմամբ՝ տվյալ կառուցապատմանը բնորոշ հողատեսքին:

**Պատճառաբանական մաս.** Եղիպատրուշ բնակավայրի գլխավոր





հատակագծի փոփոխությունները նպատակաուղղված են բնակավայրի զարգացմանը՝ մասնավորապես առողջարանային քաղաքի կառուցման և լեռնադահուկային տուրիզմի զարգացմանը նպաստելու համար:

Հանգստավայրի տարածքներում բարենպաստ և ենթակառուցվածքներով, հանրային տարածքներով հագեցած կենսամիջավայրի ձևավորմանն ուղղված նախատեսվում է կատարել հողատեսքերի նպատակային և գործառնական նշանակությունների փոփոխություններ, որոնք արտացոլված են ներկայացվող նպատակային նշանակությունների փոփոխությունների աղյուսակներում: Փոփոխությունները ներկայացված են ըստ գերակայությունների՝ առաջնահերթ, միջնաժամկետ և հեռանկարային:

| Տեխնիկատնտեսական ցուցանիշներ                                                                                                    |                |         |            |              |
|---------------------------------------------------------------------------------------------------------------------------------|----------------|---------|------------|--------------|
| Ցուցանիշը                                                                                                                       | Չափման միավորը | Փաստացի | Առաջնահերթ | Հեռանկարային |
| 1                                                                                                                               | 2              | 3       | 4          | 5            |
| Համայնքի, համակցված փաստաթղթի դեպքում նախագծվող համայնքների վարչական սահմաններում ընդգրկված հողերի ընդհանուր մակերեսը՝ ընդամենը | հա             | 3804.62 | 3804.62    | 3804.62      |
| Բնակավայրերի հողեր, որից՝                                                                                                       | հա             | 78.06   | 78.21      | 280.00       |
| բնակելի կառուցապատման                                                                                                           | հա             | 60.86   | 61.07      | 55.63        |
| հասարակական կառուցապատման                                                                                                       | հա             | 1.41    | 1.41       | 1.41         |
| խառը կառուցապատման                                                                                                              | հա             |         | 0          | 213.98       |
| ընդհանուր օգտագործման,                                                                                                          | հա             | 8.71    | 8.71       | 8.71         |
| Ընդհանուր օգտագործման կանաչապատ տարածքներ                                                                                       | հա             |         | 0          | 0.2          |
| այլ տարածքներ                                                                                                                   | հա             |         | 0          | 0            |
| այլ հողեր                                                                                                                       | հա             | 7.08    | 7.02       | 0.07         |
| Արդյունաբերության, ընդերքօգտագործման և այլ արտադրական նշանակության հողեր, որից՝                                                 | հա             | 12.11   | 11.96      | 11.96        |
| արդյունաբերական օբյեկտների                                                                                                      | հա             |         | 0          | 0            |
| գյուղատնտեսական արտադրական օբյեկտների                                                                                           | հա             | 11.77   | 11.62      | 11.62        |
| պահեստարանների                                                                                                                  | հա             | 0.34    | 0.34       | 0.34         |
| ընդերքի օգտագործման                                                                                                             | հա             |         | 0          | 0            |
| Էներգետիկայի, կապի, տրանսպորտի, կոմունալ ենթակառուցվածքների հողեր, որից՝                                                        | հա             | 12.71   | 14.51      | 14.51        |
| էներգետիկայի                                                                                                                    | հա             | 0.01    | 0.01       | 0.01         |
| կապի                                                                                                                            | հա             | 0.12    | 0.12       | 0.12         |
| տրանսպորտի                                                                                                                      | հա             | 6.36    | 6.36       | 6.36         |
| կոմունալ ենթակառուցվածքների                                                                                                     | հա             | 6.22    | 8.02       | 8.02         |
| Հատուկ պահպանվող տարածքների հողեր, որից՝                                                                                        | հա             | 3.55    | 1.99       | 3.12         |
| բնապահպանական                                                                                                                   | հա             |         | 0          | 0            |
| հանգստի համար նախատեսված                                                                                                        | հա             |         | 0          | 1.13         |
| պատմական և մշակութային                                                                                                          | հա             | 3.55    | 1.99       | 1.99         |
| Հատուկ նշանակության հողեր                                                                                                       | հա             | 0.3     | 0.3        | 0.3          |





|                                     |    |         |         |         |
|-------------------------------------|----|---------|---------|---------|
| Գյուղատնտեսական նշանակության հողեր, | հա | 3161.55 | 3161.31 | 2958.59 |
| վարելահող                           | հա | 756.20  | 756.2   | 592.72  |
| բազմամյա տնկարկներ                  | հա | 5.90    | 5.9     | 5.9     |
| խոտհարքեր                           | հա | 130.90  | 130.9   | 116.46  |
| արոտավայր                           | հա | 2052.38 | 2052.14 | 2049.69 |
| այլ հողատեսքեր                      | հա | 216.17  | 216.17  | 193.82  |
| Անտառային հողեր                     | հա | 327.60  | 327.6   | 327.6   |
| Ջրային հողեր                        | հա | 208.74  | 208.74  | 208.74  |
| գետեր                               | հա |         | 0       | 0       |
| ջրամբարներ                          | հա |         | 0       | 0       |
| լճեր                                | հա | 208.53  | 208.53  | 208.53  |
| ջրանցքներ                           | հա | 0.21    | 0.21    | 0.21    |
| հիդրոտեխ. և ջրտնտ. այլ օբ.          | հա |         | 0       | 0       |

«Մայլեո» ներդրումային ծրագրի իրականացումը բնակավայրի տարածքում արդեն իսկ մեկնարկել է: Գործում է երկու ճոպանուղի՝ 22 կմ երկարությամբ, 4 ռեստորան, Qotot Ski Club, մարզադպրոց, վարձույթի երկու սրահ, իսկ նորաբաց շալեններում հնարավոր է ընդունել 100-120 այցելուի՝ գիշերակացով:

Ծրագրիը արդեն իսկ ունի որոշակի սոցիալական ազդեցություններ բնակավայրի վրա, դրանք են.

- ենթակառուցվածքների զարգացում,
- տարածքի մոտակայքում տեղակայված Ապարանի ջրամբարի ափամերձ հատվածների մաքրման աշխատանքներ,
- «Հայանտառ» ՊՈԱԿ-ի հետ համաձայնեցված անտառատնկումներ,
- Սպասարկման ենթակառուցվածքում բնակչության ներգրավվում՝ աշխատատեղերի ստեղծում (նախապես վերապատրաստմամբ՝ անհրաժեշտության դեպքում):

Շրջակա միջավայրի պահպանության արդյունավետ կազմակերպման համար համալիր կերպով գնահատվել են առկա բնապահպանական խնդիրները, գոյություն ունեցող իրավիճակը և ընտրվել են զարգացման այնպիսի սկզբունքներ, որոնք թույլ կտան ներդաշնակորեն լուծել առկա խնդիրները:

Շրջակա միջավայրի պահպանության բաժնում ներկայացվել են շրջակա միջավայրի բոլոր բաղադրիչների (մթնոլորտ, ջրային ռեսուրսներ, հողեր, ընդերք, կենսաբազմազանություն) բարելավմանը և պահպանմանն ուղղված միջոցառումների հեռանկարներ, որոնք թույլ կտան նվազեցնել, մեղմել կամ վերացնել հնարավոր բացասական ազդեցությունները:

Փորձաքննության ընթացքում ՀՀ օրենսդրությամբ սահմանված կարգով՝ Ապարանի համայնքապետարանում իրականացվել է հանրային երկրորդ լսումը: Փորձաքննական ամբողջ գործընթացին ներգրավվել են առողջապահության, ներքին գործերի, տարածքային կառավարման և ենթակառուցվածքների, կրթության, գիտության, մշակույթի և սպորտի, էկոնոմիկայի, կադաստրի կոմիտեի, քաղաքաշինության կոմիտեի և ջրային կոմիտեի, ինչպես նաև շրջակա միջավայրի նախարարության բոլոր ստորաբաժանումները: Ստացված դիտողությունները և առաջարկությունները հաշվի են առնվել հաշվետվության լրամշակված տարբերակում:



**Եզրափակիչ մաս.** Եղիպատրուշ բնակավայրի զարգացման գլխավոր հատակագծի նկատմամբ ներկայացվող բնապահպանական պահանջների հիմքում ընկած է բնակավայրի կայուն զարգացման ուղղվածությունը՝ բնապահպանական և սոցիալ-տնտեսական կարիքների հավասարակշռվածությամբ և բնապահպանական իրավիճակի բարելավմամբ: Բնակավայրի քաղաքաշինական զարգացման բնապահպանական պահանջների իրացման տեխնոլոգիական պայմանները ներառում են.

- էներգետիկայի օբյեկտների էներգաարդյունավետության բարձրացումը,
- ջրամատակարարման, ջրահեռացման, հեղեղատար ցանցերի վերակառուցումը և արդիականացումը,
- հոսքաջրերի և աղտոտված մակերևութային ջրերի ապահովումը՝ նորմատիվային պահանջներին համապատասխան մաքրման կայանների տեղադրմամբ,
- կենցաղային թափոնների վերամշակումը՝ արդյունաբերական մեթոդներով:

### Փորձաքննական պահանջներ

1. Հիմնադրույթային փաստաթղթի շրջանակներում նախատեսվող գործունեությունները անհրաժեշտ է ներկայացնել շրջակա միջավայրի վրա ազդեցության փորձաքննության՝ օրենսդրությամբ սահմանված կարգով, մինչև գործունեության իրականացումը:

### ԵԶՐԱՓԱԿԻՉ ՄԱՍ

Եղիպատրուշ բնակավայրի գլխավոր հատակագծի փոփոխության շրջակա միջավայրի վրա ազդեցության ռազմավարական էկոլոգիական գնահատման հաշվետվությանը տրվում է պետական փորձաքննական դրական եզրակացություն՝ վերը նշված փորձաքննական պահանջի պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝



Երիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջին կարգի մասնագետ՝

Սուսաննա Անտոնյան